

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編


齊魯書社

四庫全書存目叢書

史部
第二三九冊

責任編輯：孫言誠 賀 偉

ISBN 7-5333-0535-3



9 787533 305352 >

CE94/01

四庫全書存目叢書·史部二三九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.5 印張

1996 年 8 月第 1 版 1996 年 8 月第 1 次印刷

印數 1-100

ISBN 7-5333-0535-3

Z·37 史部定價：87600 圓

史部第二三九冊目次

史部·地理類

南海普陀山志十五卷首一卷

〔清〕裘璉撰
首都圖書館藏清康熙刻雍正增修本

..... 一

湘山志五卷

〔清〕徐泌 謝允復撰
北京師範大學圖書館藏清康熙二十一年刻本

..... 一八五

林屋民風十二卷附見聞錄一卷

〔清〕王維德撰
清華大學圖書館藏清康熙五十二年王氏鳳梧樓刻本

..... 三四一

廬山志十五卷(一)

〔清〕毛德琦撰
復旦大學圖書館藏清康熙五十九年順德堂刻本

..... 五四一

南海普陀山志十五卷首一

卷

〔清〕裘璉撰

首都圖書館藏清康熙刻雍正增修本

附《四庫全書總目·普陀山志

十五卷》提要

奏疏

浙江寧波府定海縣普陀山前寺僧尼浙江寧波府定海縣普陀山後寺僧尼

奏為

皇恩大造鼎建功成具疏中謝並請 御賜匾額光鎮名山

以垂萬代事切普陀為四大名山之一觀音大士道

場顯化昭應護國佑民前緣游禁僧還寺廢康熙二

十八年三月內恭逢

聖駕南巡 欽差萬侍衛吳佐領觀郎中齋頒帑金一千兩

前任總兵黃大來陪同到山緣擇吉未屆荒山不便

存貯仍責回鎮臣官署嗣蒙接任總兵藍欽奉

普陀山志疏卷之一疏

皇上發帑興建之至意禪心督造復捐俸首勸今二寺圓通

大殿俱已落成仰思

皇上德邁唐虞功隆湯武開千古未闢之幅輿四海賓服弘

列聖無疆之樂利萬國來王山海廓清普陀新造既荷

發帑鼎建之道場自宜恭請 御書匾額光鎮名山長

祝無疆

聖壽永保悠久 皇圖 臣僧伏觀年前

聖駕南巡凡琳宮梵院皆沐殊恩賜以 御書匾額况普陀

特奉

聖恩重建尤非他處可比 臣僧不揣冒昧奏請伏祈

皇上俞允賜書臨額二道永鎮前後二寺則御翰神奇河

山壯色實為萬國瞻依八荒頂禮矣伏乞

皇上睿慈俯賜施行為此具本謹具奏聞

康熙三十八年三月二十五日

普陀山志卷之一

序

洛迦海外名山也為普門大士親選道場自梁迄今千數百年其間興廢幾矣莫盛於南宋有元及明萬曆以余觀之其廢也莫不有出其興也莫不有自至聖臣賢績熙務舉於時海寓清晏民物康阜則間以其暇新梵宮而究竺典此亦上下和平優游無事之一徵也而不然者寇盜充斥家室愁咨乖風沴氣鼓扇摩窳則雖有佛教日無所施此古今之大較矣補陀兩寺遭故明之末賊氛倣擾島嶼霧迷

先皇帝赫焉震怒而廓清之木後轉徙內地於是朱宮紺

普陀山志卷之一

闕蕩為冷烟寒風者且二十年我

皇上文德覃被聖武布昭十宇版章盡域中而截海外嚮者隸虛之地莫不含哺擊壤於其中二十八年

舉華南幸因故元戎黃公乘間奏地方事宜遂

遣員賜帑再造梵宇而普陀鎮海玉毫重現矣明年黃公以疾沒於官余叨奉

綽簡自宜移鎮茲土凡黃公未竟之緒余遂不獲辭於是

宣

一人之盛德鼎三寶之巍宮惟鉅惟細悉理悉張龍象滿山鼓鐘震谷莫不慶海不揚波而祝

天子萬壽也倚與盛哉余既樂觀其成歲時期汛簡徒揚

帆登臨其上輒爲吾民加額昇平而且覺芭桑徹土
一無所施也戊寅中秋山僧以志事來請余爲之代
延名士鋪張揚厲鼓吹休明己卯春

大龍復南符兩寺任僧迎 駕謝恩荷

天顏喜悅 溫旨從容隨頒 御額再賜 帑金且遣

中使登山給運黃瓦竝 勅任持速完未竣之工

錫命重三誠爲異數維時志雖成而尚未梓行也於是
補輯成編丐言弁首余何言哉旋轉乾坤牧宰宇宙
者

普陀山志序 卷之一 藍

二

聖天子德也黼黻鴻猷翼贊 盛化者 賢宰相百執事力
也聞揚道聲慈味俾上 覽慈尊潛孚默佑於冥冥中
者諸上人職也余何言 矣哉披覽志文彬彬郁郁大
雅不羣世不乏知言者 而余亦幸受知人之名則余
所不辭者耳是爲序

省

康熙辛巳歲仲春

鎮守浙江 定海等處地方總兵官左都
督仍紀餘 以二次古閩監理頓首題

御製南海普陀山法雨禪寺碑文

本山住持 僧性統奏請

蓋聞圓通妙相般若真源開覺路于金繩大地證菩
提之慧聞潮音于碧海恒沙而普度之聲紺殿維新
滄波永靜惟茲法雨寺者南海普陀山

大士之別院也名山佛國大海慈航古嶂千霄高逼
梵天之上洪濤浴日祥開淨土之場一柱如擎震日
指爲名勝三山可接方輿記其神奇值氛侵之震驚
致山川之閭寂僧徒雲散佛宇灰飛比者運值清寧
慶海波之不作地連溟渤望法界而知歸特頒內府

普陀山志 卷之一 御製碑文

三

之金重建空王之宅鳩工揆日節屋不勞庀材築基
磬鼓弗作珠宮貝闕涵聖水以無邊菴柱麗梁覺迷
津之可渡坐青蓮之寶像圓滿輪輝藝紫竹于祇林
莊嚴毫相瞻慈雲普照錫法雨嘉名游若救靈天吳
護法標霞高建來萬國之梯航彼岸可登作十方之
津筏猶其廣大上以

祝

聖母之遐齡假此慈悲下以錫羣黎之多福則旃檀香
外盡成仁壽之區水月光中悉是涵濡之澤勒諸宛
奕昭示來茲

御筆

康熙四十三年冬十一月十五日書

之寶

普陀山志

卷之一

御製碑文

四

御製南海普陀山普濟禪寺碑記

本山住持僧性範奏請

稽考梵書補陀羅迦山有三一居厄納忒黑一居忒白忒一居南海卽是山也本山誌書未得其詳當年海寇猖狂凡禁海之外寺宇梵刹皆爲灰燼自康熙二十二年蕩平臺灣海波永息故遣方衲子因舊基址斬蓬蒿刈藜藿而更新焉朕時巡浙西特遣專官虔修淨供敬書題額永鎮山門復發帑金重修寺宇務俾殿堂廡牖丹碧華燁芬撩煥矣而一木一石悉出公家一夫一役不煩民力上爲

普陀山志

卷之一

御製碑文

慈闈延禧下爲蒼生錫祉也朕自弱齡誦讀經史以修齊治平爲本未暇覽金經貝葉空寂絕影之文所以不能窺其堂與槩而言之元者善之長也佛者以善爲本推而擴之大約無二上天好生化育萬彙大士慈悲度難衆生亦無二也朕求治勤民四十餘載矣今者兵革已消而民生未臻康阜梗頑雖化而民情未盡淳良皆因水旱靡常豐歉各異此朕寤寐蓂蓂不能釋也以大士之力庶幾慈雲法雨甘露祥風使歲稔人安萬姓仁壽則普濟鴻功卽時雍之上理是朕之心也夫爰書翰簡勒諸穹碑垂示無盡云

御筆

康熙四十三年冬十一月十五日書
之寶

普陀山志

卷之一 御製碑記

二

聖恩寬免普陀錢糧碑記

康熙五十七年十一月二十五日准內務府移咨內
開康熙五十七年十月二十日侍衛魏珠將南海普
陀洛迦山普濟寺僧心明法雨寺僧空懷空明等所
奏漢字黃摺子發山交與 十二阿哥轉傳

旨將此着阿哥親自會同包衣昂邦詢問將御書之處議
奏欽此欽遵臣等會議得明季藏經皆是明朝皇帝
所送所有御書亦隨帶去今僧人等雖請

御書然此藏經乃公主爲

父皇萬壽送去再寫

普陀山志

卷之一 碑記

御書必須交與內閣衙門用寶或可照去歲移咨孫文成
會同地方巡撫等將舊年寬免開墾田地錢糧數目
情由并善爲保訓藏經不許僧人初亂生事立碑永
垂爲此請

旨隨於康熙五十七年十月二十日具疏并漢字黃摺子
給與奏事六品官雙全等啟奏奉

旨依議爲此照普濟寺僧人心明等所奏漢字黃摺子抄
錄一張一併咨明前去到口爾即親身與地方巡撫
等將僧人等開墾之田地寬免錢糧之情由數目并
善爲保訓藏經不許僧人初亂生事等語可立石碑

爲此交爾等因欽此欽遵臣等祇奉文成竊查康熙五十六年十一月十五日准內務府清字咨文奉

旨將普陀洛迦山普濟法雨二寺和尚心明性統開墾田地求免錢糧原摺交與織造孫文成與浙江巡撫朱

軾查明妥議具奏欽此欽遵等因到臣遵即會同行

擬定海縣知縣曹秉仁親往安期鄉朱家尖順母塗

地方查丈寺僧開墾之陸其田地塗山三十三頃一

十五畝三分零內已報起徵田地塗山二十八頃八

十二畝五分零應徵銀六十一兩四錢四分五厘零

朱一十四石一斗六合零又已報墾利尚未起徵田

普陀山志 卷之一 碑記

地塗山四頃三十二畝八分應徵銀七兩二錢三分

六厘零米二石二斗九升六合零又朱家尖未墾田

地一十三頃五十三畝俱經寺僧築墾管業該縣逐

一丈明備造清冊詳送前來經臣孫文成奏請蒙

皇上鴻恩將朱家尖順母塗已墾田地三十三頃一十五

畝零未墾荒地一十三頃五十三畝一槩寬免奉

旨傳與巡撫照此摺依議欽遵在案伏惟我

皇上

聖神文武

寬信敏公

博施濟於五十八年之間熏風風物

番道法於一十四省之外化雨而人九屬航海梯山

靡不懷仁擣義若普陀洛迦山者標金樹剎元從鹿

苑分來布寶成池直是龍宮築就維茲佛國登受

聖恩

宸翰高懸筆墨與浮圖並峻慧居重建海天共梵宇齊

雄乃猶獨

國賦於福田永錫菩提聖種抑且著王章爲戒律真成

清淨禪宗仰承

如天如地之弘慈祇凜

普陀山志 卷之一 碑記

人心道心之大訓諭爾僧衆虔誦藏經祝

帝壽以無疆弘

天休於淳至母遊情而失業母生事以作非頂戴

聖恩宣揚佛教普天率土物阜民安臣等謹將飭僧免賦

情由勒石永垂千秋萬禩云

浙江巡撫臣朱軾 恭撰

杭州織造臣孫文成

筆帖式臣舒書

定海鎮臣張國

寧台道臣江國楫

寧波府知府臣尚璉

定海營遊擊臣宗仁

定海縣知縣臣曹秉仁

實陀司巡檢臣張三友監造

法雨寺住持臣僧性統

執事臣僧空懷

空明

康熙五十八年五月

日監院臣僧圓璣等立石

繼任臣僧空森補刻

普陀山志

卷之一 碑記

四

南海普陀山志目次

卷之一

山圖 志例

卷之二

星野 形勝

卷之三

梵刹

卷之四

建置

卷之五

普陀山志

卷之一 目次

靈異 贊頌

卷之六

法統 釋系

卷之七

頒賜 古蹟 流寓

卷之八

精藍

卷之九

法產 方物

卷之十

事畧

卷之十一

歷朝藝文

卷之十二

國朝藝文

卷之十三

歷朝詩

卷之十四

國朝詩


卷之十五

普陀山志

卷之一 目次

僧詩偈



二







山圖









南海普陀山志卷之一

志例

立說著書固貴博洽亦戒摭瑣點鬼亦馳非所尚已故龍門作史稱文不雅馴者不載焉茲上遠淹溟渤近接陽嶠非惟希連烏耗可恣冥搜抑亦三神閭風足踴烏有較諸黃帝以前益荒唐矣是編非關切補陀信而有徵者概所不錄

儒者立言必則古昔稱先王誠慎之也自我宣父有老子猶龍之歎西方聖人之說而于是三教並隆兩大拘儒俗子蜉蝣撼樹不自量耳歷觀古賢詰莫不

普陀山志

卷之一 志例

覃究楞伽廣交緇褐白社金山其最著者夢得曹溪佛衣之銘通翁如意盡輪之贊皆以好辭闡揚義諦其他翻藏譯典解經注品者不可勝紀懷白蘇之執範寄鮑謝之文章雖慙固陋竊有志焉

觀音文殊普賢俱稱大士周流入極拯濟羣迷者惟三大士爲最而觀自在獨爲圓通教主悲憫衆生現諸神變隨機攝導較二聖尤溥由是稟奉皈嚮傾動法界然臺典雲典儒言星落稍因所見輒揚微妙故特于靈異外加贊誦一門云

五臺二峩山川既勝又在城中自古迄今名公鉅卿

及文人才士游屐成林錦囊霏雪不勝載焉是山覽

聯吳越終限波濤遠者公論即如王謝流觴山陰白蘇歷宦杭州皆選勝好游之夫密邇名區不航一葦豈非憾事歟所以風流閨寂文獻無徵不但作者渺見寡聞貽譏大雅已也

名山古剎靈傑固由天釋王持必賴人王魏暴招忽梁愚速謗俱非中道矣今

聖天子建極用中孜孜化理間以堯舜勞心之暇游觀瞿葉度世之文天縱聖神精解秘妙遂許法幢香海遍燦寰區而且

普陀山志

卷之一 志例

宸書寶藏

御序五燈豈非真如萬載一時乎茲土遷圯有年鴻模復啟金綺自天華軒入海寵光甚矣及時紀載俾八荒萬禩共仰恩榮可不亟乎至于寵頒

睿額永賁禪林是在現宰官身者共展檀誠聿襄盛舉云耳

翰墨可流于胸臆山川必藉乎登臨自古勝壤多區必賴高人韻士而著逸少之于山陰子厚之于柳永長公儋耳升庵六詔卽此數子可概古今余至茲土自觀海禮山外一自一壑必經親履發抒靈秀探討